



Program 2019– 2023

SELJORD SENTERPARTI

Våre verdier

Senterpartiet vil bygge samfunnet nedanfrå og ha eit samfunn med frie sjølvstendige menneske som tek ansvar for sitt eige liv, for fellesskapet og natur og miljø. Partiet sitt menneskesyn byggjer på kristne og humanistiske verdier og eit sterkt vern om menneskeverdet.

Senterpartiet arbeider for desentralisering av makt, kapital og busetjing. Føresetnaden for eit levande folkestyre er nærleik, likeverd og korte avstandar mellom dei som tek avgjerd og dei som avgjerda får verknad for. Senterpartiet vil desentralisere makt slik at flest mogleg kan vere med i samfunnsutforminga. Fellesskap og likeverd mellom folk inneber at makt, kapital og eigedom bør spreia på mange hender.

Senterpartiet vil sikre den private eigedomsretten. Tryggleik rundt retten til eigedom er viktig for den einkilde og utviklinga av landet.

Vårt Seljord

I tråd med det store fleirtalet i folkerøystinga meiner Seljord Senterparti at Seljord klarar seg godt som eigen kommune og me ynskjer å styrke samarbeidet i Vest-Telemark.

Seljord Senterparti er svært uroa for den aukande sentraliseringa i samfunnet. Med noverande regjering har sentraliseringa skote fart, og det lokale folkestyret tapar. Vi vil

ha utvikling i heile landet, ikkje berre i byar og sentrale strøk. Seljord Sp vil slå ring rundt lokale institusjonar i bygdene våre! Den økonomiske situasjonen til kommunen er krevjande, og Seljord Senterparti vil prioritere tenester innan oppvekst, skule og omsorg dei fire neste åra. Seljord Senterparti vil arbeide aktivt for å påverke at kommunane får betre økonomiske rammer til å gje gode tenester til innbyggjarane.

Seljord Senterparti vil vidareutvikle Seljord som ein grøn, nyskapande og attraktiv kommune, som nyttar lokalt særpreg, engasjement og lokale ressursar til å trekkje til seg nytt næringsliv og nye innbyggjarar.

I Seljord går næringsutvikling, landbruk, reiseliv, kultur og handel hand i hand. Bygda har stolte landbrukstradisjonar og eit rikt kulturliv som kombinert med gründerånd, ståpåvilje, og "teft" har gitt bygda ein unik posisjon og mange arbeidsplassar innan ulike bransjar. Vi skal bygge på dette gode fundamentet slik at fleire kan bu, arbeide og leve det gode liv i Seljord.

Vi ynskjer at tilboda innan skule og oppvekst skal vere så lokale som råd for å ivareta nærleik og god kvalitet. Gode tilbod er viktige for trivsel, læring og identitet. Skule og barnehage er ein arena både for lek og læring, og som viktig møteplass for lokalsamfunnet.

Seljord må ta miljø- og klimautfordringane på alvor, og sin del av ansvaret for å redusere utslepp og forbruk. Senterpartiet er det praktiske og jordnære miljøpartiet, som trur på vern gjennom berekraftig bruk. Seljord Senterparti vil gjere Seljord til ein grøn føregangskommune!

Gode tenester nær folk

Seljord Senterparti vil:

- at Seljord kommune skal vere ein ja - kommune, med god service, kort sakshandsamingstid og god dialog med innbyggjarane
- sikre god pedagogtettleik i barnehage, skule og SFO
- ha tilbod om 3, 4 og 5-dagars barnehage og SFO i heile kommunen
- gje alle born barnehageplass når dei fyller 1 år og arbeide for at staten skal finansiere dette.

- sikre alle born barnehageplass i næraste barnehage, og at søsken får plass i same barnehage
- at Seljordsskulen også skal legge vekt på praktiske fag, og tilby arbeidslivsfag og entreprenørskap
- oppretthalde og vidareutvikle eit godt SFO-tilbod i Seljord og Flatdal
- arbeide for å innføre skulemåltid og ein time fysisk aktivitet i skulen kvar dag
- få laga ein komplett oversikt over dei totale investeringsbehova i skulesektoren i kommunen.
- ruste opp Flatdal skule og Seljord ungdomsskule slik at skulane har ein moderne standard og tilstrekkeleg kapasitet sett i eit langt tidsperspektiv. Ulike alternativ må utgreiast, både oppgradering av dagens lokaler, tilbygg/oppgradering og nybygg. Ulike kontraktsformer på arbeida må vurderast med mål om å nytte lokal kompetanse.
- opprusting av Flatdal skule må òg løyse plassmangelen ved Flatdal barnehage.
- sikre eit tett samarbeid mellom Barnevernssamarbeidet i Vest-Telemark og dei kommunale førebyggjande tenestene
- arbeide for gode tilbod innanfor grønn omsorg/”Inn på tunet” i Seljord
- ha fokus på bygdemålet, nynorsk skriftspråk og lokale segn, soger og songar i barnehage og skule
- arbeide for fleire studietilbod ved Vest-Telemark vidaregåande skule, avdeling Seljord, og arbeide for ei god skuleskyssting for elevar i vidaregåande
- sikre skulehelsetenesta både i grunnskulen og vidaregåande opplæring
- ha ei god og alderstilpassa seksualitetsundervisning, med fokus på grensesetting og respekt
- arbeide aktivt mot all form for mobbing, trakassering og forskjellsbehandling
- sikre at tenestene innan helse og omsorg blir tilpassa den enkelte brukar
- gjennomgå behovet for sjukeheimsplassar i kommunen for å møte det aukande talet eldre og alvorleg sjuke
- auke talet på sjukeheimsplassar for å sikre at alle innbyggjarar kan få ei verdig omsorg i sitt nærmiljø
- halde fram med gode heimetenester så folk kan bu heime lengst mogeleg
- at innbyggjarane framleis skal kunne avtale og ha møter med NAV-tilsette i Seljord, og enkelt få direkte kontakt med sakshandsamar. Det felles NAV-kontoret i Vest-Telemark må vere tilstades og tilgjengeleg lokalt. Digitale tenester og telefon kan ikkje erstatte all personleg kontakt med innbyggjarar og bedrifter.

- kjempe for at det blir oppretta ei base for luftambulansse i Vinje
- arbeide for eit sterkt og velfungerande Distriktpsikiatrisk Senter (DPS) i Seljord

Eit grønnare Seljord

Seljord Senterparti vil:

- sikre at Seljord kommune har ein ambisiøs klima- og energiplan, med konkrete mål for redusert energiforbruk og CO2-utslepp
- innføre ein innsamlingsboks for spesialavfall direkte frå hushaldningane
- jobbe for betre orden og reinhald på returpunkta
- arbeide for fleire hurtigladestasjonar for elbil
- lære unge gode vanar for kjeldesortering gjennom årlege opplegg i skule og barnehage
- legge til rette for meir bruk av solenergi gjennom liberal bruk av lovverket
- arbeide for å gjere festivalane i Seljord meir miljøvenlege
- støtte og nytte den økologiske hagen i Seljord i kommunen si verksemd
- styrke vernet av dyrka mark
- arbeide for ordningar som sikrar Telemarkskua som rase
- redusere attgroinga av kulturlandskapet i Seljord, gjennom å utarbeide beiteplanar for å få fleire dyr på beite og at heile Svartdal og Flatdal kan kome under finansieringsordninga for utvalde kulturlandskap
- forvalte skogressursane i kommunen betre gjennom meir aktivt skogbruk, meir lokal foredling og bygging av fleire skogsbilvegar
- bidra til meir CO2-binding gjennom god skogforvaltning og fleire beitande dyr
- ha ein kampanje for rydding av krattskog langs veg og attgrodde teigar i viktig kulturlandskap
- fullføre turvegen langs Seljordsvatnet og få på plass ein turveg langs Flatsjø som koplar Flatdal og Seljord saman
- utvikle den sentrumsnære vassfronten med tanke på reiseliv og friluftsliv
- føre ein rovdyrpolitikk som gjev framtidstru for bønder og beitande dyr
- arbeide for mindre kasting av mat
- ha ein aksjon for å rydde ting som forsøplar og forureinar lokalmiljøet
- redusere bruken av eingongsplast og arbeide for at plast på avvegar vert rydda

- sikre betra regulering av Seljordsvatnet og Flatdøla for å unngå flaumskader og sikre elveløpa betre

Arbeidsplassar nær folk

Seljord Senterparti vil:

- ha godt samarbeid med næringslivet i Seljord, og legge til rette for utvikling og vekst i eksisterande verksemder
- støtte vidareutvikling av næringshagen i Seljord og industriområdet på Århus
- arbeide for etablering av fleire kompetansesarbeidsplassar i kommunen
- ha eit felles “stillingssepp” i Vest-Telemark der det offentlege og næringslivet saman viser fram ledige stillingar for å marknadsføre regionen vår og trekke til oss arbeidskrafta vi treng
- ha ei ordning med bygdevertar som hjelper (potensielle) innflyttarar med å orientere seg i kommunen, koble med aktuelle arbeidsgjevarar og finne husvære.
- ha byggeklare næringsstomter og ledig næringsareal i heile kommunen, for å kunne ta imot bedrifter som ynskjer å etablere seg
- styrke Seljord som merkevare, festivalbygd og reiselivsdestinasjon
- ha ein god og tilgjengeleg turistinformasjon
- samarbeide tett med Dyrskun som ein viktig motor for næringsutvikling
- satse på Brøløs! Vi vil legge til rette for ei god blanding av bustadar for ulike aldersgrupper, næringsaktivitet, handel og kaféar. Det må vere liv og aktivitet i sentrum heile året
- ruste opp Brøløs i samarbeid med dei ulike verksemdene som er etablert der
- ha kortast sakshandsamingstid i Vest-Telemark på nærings saker
- nytte lokale verksemder ved kommunale kaup og anbudsprosessar så langt lovverket tillet det, også i verksemder kommunen er medeigar
- kjempe for fleire statlege arbeidsplassar i Seljord og nabokommunane
- arbeide for meir midlar til kommunale næringsfond
- arbeide for fleire arbeidsplassar innan kulturbasert og naturbasert næring, basert på allereie eksisterande næringsmiljø innan reiseliv, kultur og landbruk
- støtte opp om arbeidet med “Mytiske Telemark” og det kreative lokale arbeidet knytt til reiseliv og anna næringsaktivitet i samband med opplevingsvegen (gamle E 134).
- at meir jordbruksareal skal haldast i hevd og takast i bruk til matproduksjon

- gje tilskot til grøfting og nydyrking
- bruke meir lokalprodusert og kortreist mat i kommunen
- styrke samarbeidet med faglaga i landbruket og sikre det faglege miljøet i kommunal landbruksforvaltning
- vere ein aktiv samarbeidspart for Seljord Folkehøgskule

Gode bumiljø

Seljord Senterparti vil:

- gje eit etablerartilskot på 50 000,- til dei som bygg eigen bolig i kommunen
- ha byggeklare og attraktive tomter i heile kommunen og gjere det enklare å bygge spredt
- vere positive til frådelling av romslige tomter for å gjere det attraktivt for ungdom og familiar i etableringsfasen å bygge hus i bygdane våre
- sjå om det er stader vi kan fortetje busetnaden, spesielt i sentrum
- samarbeide med utbyggjarar for å få bygd fleire rimelege bustadar til både utleige og eige, spesielt med tanke på ungdom og førstegongsetablerarar
- arbeide for fleire utleigeeiningar i heile kommunen
- arbeide for at dei som pendlar inn til Seljord busett seg i kommunen
- arbeide for at fleire nedlagte småbruk i kommunen får ljøs i glasa gjennom eit nytt Bygdelivsprosjekt i samarbeid med nabokommunar
- bruke konsesjonslova slik at ein fremmar busetting

Kommunikasjon og samferdsel

Seljord Senterparti vil:

- fortsette å ruste opp rv. 36 og sikre oppgradering av E134 som hovudfartsåre mellom aust og vest
- arbeide for at ingen skal betale bompengar for å kome seg til kommunesenteret i Seljord
- ikkje ha bom mellom Seljord og Brunkeberg, og at vidare utbetring av E134 primært skal skje med statlege midlar
- sikre og utvikle det gode busstilbodet til og frå Seljord. Arbeide for statleg støtte til viktige ekspressruter, t.d. Haukeliekspressen og Telemarksekspressen

- betre kollektivtilbodet innad i kommunen og arbeide for eit framleis godt tilbod mellom Seljord og Bø etter opninga av Mælefjelltunellen.
- bygge ut fleire gang- og sykkelveggar, m.a. gjennom Nordbygdi, mellom Århus og Lakshøl og mellom Flatdal sentrum og Sundbøgrenda
- styrke vedlikehaldet av kommunale vegar
- arbeide for betre standard på fylkesvegane i kommunen
- etablere ein god turistveg på gamle E134 Flatdal - Hjartdal, i tett samarbeid med næringsaktørane langs vegen
- støtte flytting av skulehuset i Svartdal slik at det kan nyttast i tilknytning til den nye sykkelstigen
- støtte arbeidet med høgfartsbane over Haukeli
- arbeide for fleire tog på Sørlandsbanen og god korrespondanse med buss
- arbeide for god breibands- og mobildekning i heile kommunen
- arbeide for eit godt posttilbod og ei styrking av landpostbud-tenesta i distrikta

Eit levande, trygt og inkluderande lokalsamfunn

Seljord Senterparti vil:

- at Seljord kommune skal vere ein god samarbeidspartnar og pådrivar for at kulturlivet skal blomstre og ha ei framtid
- auke tilskota til lokale lag og foreiningar
- at kommunen skal ha årlege møter med dei ulike grendelaga
- at idrett, friluftsliv og folkehelse skal ha høg prioritet, både i planverk og tiltak
- gje born og føresette god kunnskap om folkehelse og risikofaktorar, som kosthald og fysisk aktivitet
- arbeide målretta og førebyggjande med rus og psykiatri, spesielt i skulen
- ha fokus på forebyggjande arbeid når det gjeld mobbing og rasisme. Alle barn og unge i Seljord skal oppleve eit inkluderande og mobbefritt miljø, både på skulebussen/skulevegen, i skuletida og på fritida.
- styrke Granvin som regionalt kulturhus
- vidareutvikle biblioteket på Granvin som ein viktig møteplass i bygda og prioritere tilbodet til barn og unge, spesielt gjennom skule og barnehage.
- ikkje bygge ny symjehall/badeanlegg slik økonomien i kommunen er no. Nybygg i tilknytning til Granvin/Sterke-Nils må utgreiast, men på kort sikt må dagens symjehall vedlikehaldast og nyttast.
- oppretthalde tilboda og den gode kvaliteten på kulturskulen vår

- Ha gode tilbud innan den kulturelle skulesekken og den kulturelle spaserstokken
- legge tilhøva til rette for ei levande folkekyrkje og lokalt menighetsliv.
- arbeide for god brannsikring av kyrkjene
- stø opp om vidare drift av Frivilligsentralen
- ha gode fritidstilbod òg for uorganisert ungdom (fritidsklubb m.v.)
- bevare søndagen som ein dag for familie og fritid, og seie nei til søndagsopne butikkar
- prioritere god lokal beredskap og godt samarbeid mellom naudetatar og andre aktørar
- sikre god lokal brannberedskap i heile kommunen
- behalde lensmannskontoret i Seljord, ha betre polititenestar og auka bemanning og politifolk på vakt i Vest-Telemark heile døgnet heile året
- skape gode og trygge ungdomsmiljø gjennom at kommunen, politi, skule og foreldre jobbar tett saman
- sikre at alle tilflyttarar blir tekne imot på ein god og inkluderande måte
- at Seljord skal ta i mot flyktningar i åra som kjem, og sikre rask og god integrering

Eit godt arbeidsliv for alle

Seljord Senterparti vil:

- at Seljord kommune skal vere ein god arbeidsgjevar, og vi vil spele på lag med dei tilsette og innbyggjarane for å utvikle tenestene i kommunen
- gje dei tilsette tillit og ansvar så dei kan utøve arbeidet sitt utan unødig detaljstyring og byråkratisering
- gå i mot privatisering og konkurranseutsetting av grunnleggjande kommunale tenester
- ha minst mogleg bruk av innleigd arbeidskraft frå vikarbyrå og liknande
- ha minst mogleg bruk av midlertidige tilsetjingar
- vere positiv til nye måtar å organisere turnus og arbeidstid på som kan gje større fleksibilitet og betre tenestar til brukarane
- arbeide for at alle som ynskjer å arbeide fulltid i kommunen får det
- arbeide for betre kjønnsbalanse på ulike kommunale arbeidsplassar, særskilt innan i barnehage, skule og barnevern
- at tilsette i kommunen skal få tilbud om relevant etter- og vidareutdanning

- ha fokus på omdømmebygging, framsnacking og trivsel på arbeidsplassen.
- ha forebygging av sjukefråvær høgt på den politiske dagsordenen
- hindre svart arbeid og sosial dumping ved å syte for at bedrifter som inngår kontraktar med Seljord kommune held seg til arbeidsmiljølova og gjeldande regelverk, og avgrense talet på underleverandørar
- arbeide for at Seljord kommune skal ta inn minimum 2 lærlingar per 1000 innbyggjarar og at næringslivet i Seljord tek inn fleire lærlingar

Seljord inn i framtida

Seljord Senterparti vil:

- arbeide for at Seljord skal vere ein eigen kommune
- styrke det interkommunale samarbeidet i Vest-Telemark.
- at Seljord skal vere ein god og raus samarbeidspart i lag med dei andre kommunane i Telemark
- at Seljord kommune skal vere ein aktiv og engasjert medeigar i interkommunale selskap og andre selskap kommunen har eignedelar i
- behalde kommunalt eigarskap i Vest-Telemark Kraftlag
- ha eit meir levande og ope lokaldemokrati, der fleire vert engasjert i utviklinga av kommunen
- vurdere å innføre to politiske hovudutval: hovudutval for oppvekst, kultur og omsorg, og hovudutval for plan, næring og utvikling
- medverke til at Seljord ungdomsråd blir eit viktigare talerør for born og unge i kommunen
- ha nøkterne politikargodtgjeringar i kommunen. Ordførargodtgjeringa bør maksimalt vere 80% av stortingsrepresentane si løn